



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Compendium Summae seu Manualis Doct. Navarri

Ávila, Esteban de  
Azpilcueta, Martín de

Lvgdvni, 1609

Ignorantia.

**urn:nbn:de:hbz:466:1-41656**

regionis, modò ne tantùm sumatur, vt defraudetur ieiunium. num. 13. 14.

Dispensatus in ieiunio, non videtur dispensatus, vt comedat carnes. num. 22. 23.

Peccat, qui in die ieiunij cibos vetitos ministrat sine dispensatione, vel consuetudine id permittente. num. 26.

De comedente cibos vetitos in vna regione, qui sunt liciti in sua. vide tit. Gula.

### IGNORANTIA.

**I**GNORANTIA rei, vel iuris, quam, vel quod quis scire tenetur, non excusat à peccato, benè tamen excusat in foro interiori, à pœnis, & censuris positis contra hæreticos. Secus in foro exteriori. Præl. 1. nu. 10. §. 4. Nouo n. 17.

Ignorantia, & simplicitas rudium saepenumero eos excusat à peccato, & à censuris in materia fidei. Ibidem. num. 10. Nouo num. 15. & cap. 11. nu. 17. de quo plura tit. hæreticus.

Ignorantia aliquando facit actum non esse humanum, maximè si concurrant hæc: nempe, ignorantia rei, quam quis non tenetur scire: ignorantia non affectata, nec procurata: ignorantia talis, sine qua non fieret

fieret actus. Citra hac regulariter est actus humanus is, qui per ignorantiam fit. Præl. 6. num. 9. Nouo num. 8.

Non excusat ignorantia iuris, quando homo solum consulit doctores, quos credit sibi placita responsuros: aliâs non consulturus eos. cap. 17. num. 83.

Nemo tenetur alterum admonere de sua ignorantia, quando est facti, vel iuris humani, quod regulariter à vulgo ignoratur, & non redundat in detrimentum tertij. cap. 22. num. 83. §. 34. non peccat mort. contra preceptum correctionis, qui non corrigit eum qui ob ignorantiam probabilem diei ieiunij vel festi, non ieiunat, vel non audit Missam. cap. 24. num. 12.

Peccat qui exercet officium ignorans illud. Idem de procurante, ignoras illud. Hoc tamen non procedit in procurante bono fine, & animo vtendi consilio peritorum, quos credit se habiturum. cap. 23. num. 15. §. 13. & num. 47.

Ignorantia est triplex, Affectata, Crassa, Iusta. Affectata est, quando quis ignorat, quod scire tenetur, quia non vult scire, & hac auget malitiam. Crassa siue supina est, quando quis ignorat, id, quod communiter homines suæ conditionis, & status sciunt, & hæc excusat à tanto, sed non à toto.

B b Iusta

Iusta ( quæ à Theologis dicitur , inuincibilis , & à Canonistis probabilis ) est , qua communiter homines suæ conditionis adhibita diligentia laborant : & hæc quando est antecedens , excusat ; secus quando est consequens . Tunc autem est antecedens , siue causa actus , quando actus non fieret , nisi ignoraretur : tunc verò est comes , seu consequens , quando fieret actus , etiam si sciretur . cap. 23. num. 45 .

Ignorantia circa legem naturalem , vel diuinam , non potest esse iusta communiter loquendo . Bene tamen circa pœnam excommunicationis , vel alterius censuræ statutam ab homine : imò circa aliam pœnam communiter non statutam . nu. 47 .

Ignorantia excusat à pœna legis extraordinaria & exorbitante , non tamen ab ordinaria . cap. 27. num. 272. §. 13. in Nouo num. 273 .

Ignorantia non facit capacem acquisitionis cum qui aliàs est incapax . cap. 27. num. 27. dicto. 8 .

---

*ILLEGITIMVS*  
& *Legitimus.*

**A**ILLEGITIMVS etiam occultus , & publice reputatus pro legitimo non potest sine